

*Sigle: Stu*

*Aufbewahrungsort: Württembergische Landesbibliothek*

*Signatur: Cod. bibl. 2° 35*

[96va,01]hie hebet an fant anfhalm fravg  
Sant aunfhalm bat vnfer liebÿ  
fröwen von himelrich lang zit  
mit groffer begird mit vastend <vnd>  
mit wachen mit andchtigem  
gebett vnd mit hertzlichen andächtigen  
trächer daz fy im kunttätty irs ain(=)  
gebornes kindes marter wie es ~~vmb daz~~  
von dem angeng vncz an daz end ergieng  
vnd do er dez lang zitt hett begert do  
erfchain im vnfer frow vnd sprach zû  
im aunfhalm min kint hât m̄anig marter  
erlitten daz nieman völeklich gefagen  
kan div ôgen müffent ez mit mengen  
zâchern dez herczen bitterkait veriechen  
wan ich aber alfo gröfferlich erhôchet  
bin von minem lieben kind fo enmag ich  
ÿber alles himelfch her fo en mag ich  
noch en kan noch en fol nit me wainen  
vnd darnâch alles dez du mich frâgest  
dârnach sag ich dir wie Es ergieng  
Sant aunfhalm waz von herczen fro  
fin frag hûb er an vnd sprach zû ir  
sag mir liebû frow wie was der anfank  
der marter dines lieben kindes vnfer  
frow sprach do min kint het geffen  
mit finen iungern vor finer marter daz  
Iungft maff daz er nam vnd do fi von  
dem tifch vffftunden do gieng iudaz  
fcariot zû den Iuden der fürften vnd  
kam ainf gedinges mit in ÿberain daz  
er min kint wolt verrâten die iuden

wären des gedinges gar fro vnd gaben  
im driffig phfeninng do sprach fant  
aunfhalm sag mir liebu fröwe welcher(=)  
hant pfennig warent daz vnser frow  
sprach fi wären gehaiffen yfmahelty  
Ich sag dir wärumb fi also hieffend  
do Ioseph finen brüder verköft do gaben  
fi in finerhant lüt den yfmahelitten  
davon die phfe<f> phfeninng den namen  
hetten vnd köfften in vmb driffig ph(=)  
feninng vnd die iuden den die phfening  
wurden zetail die gehielten fy fur  
ainen erbfschacz vnd lieff ain Ieglichz  
geschlacht finem nachkomen wol viar(=)  
tufent Iar wan fi waren tür vnd kost(=)  
bar vnd die iuden wären ze Jerusalem die  
daz güt hetten für ainen erbfschacz  
die wären do minem kint also vint  
[96vb,01] Wie lang fi daz güt hetten behalten vnd  
wie lieb ez in wär do gaben fy iudaz da die(=)  
felben pfening wan der waz also gittig do er  
die phfening gefach do gefiellen fi im wol fo  
wol daz er in min kint darvmb gab wie dik  
er in vor gewarnet het Sant aunfhalm sprach  
sag mir liebu fröw wärd du da by dinem  
kint vnser frow sprach nain ich aunfhalm  
du solt gelöben do min kint het geffen mit  
finen iungern vnd inen die füßz het gewäfschen  
vnd in finen hailigen fronlichnam het geben  
vnd in öch gar füßeklich het gebrediget vnd  
iudaz von in waz gegangen zü den iuden  
do gieng min liebes kint mit finen Iungern  
ab dem berg sion vff der ftatt ze dem tor  
vff daz da haiffet daz guldin tor zü ainem  
brunnen der haiffet filyoe by dem waz  
ain gart da waz er dik vor ingegangen

mit finen Iungern vnd lit vnder den berg  
oliuetý da hief er fin iunger baiten vnd  
gieng vnd gieng er ainnig vff den berg  
oliuetý wol als fer als man mit ainem  
hant ftain gewerffen mag vnd fiel nider  
an finý knie vnd bettet an finen vatter von  
himelrich vnd sprach den hailigen pfalmen  
Exaudi *domine* beningna est misericordia  
tua daz sprichet her erhör mich wan  
din genád ist erbármnd rich vnd got sich  
an mich nâch der mannigvaltikait diner  
erbármnd Ne auertas faciem tuam  
ker din antlüt nit von mir dinem kint  
wan ich bin in groffen forgen davon so hilf  
mir bald Sant aunshalm sprach sag mir  
liebý frow warvmb bettet er vnser frow  
sprach daz det er vmb drierhand fach  
die erft waz daz er so zarter natur waz  
vnd ich in so zartlich erzogen hett vnd daz  
er ainer mágt kind waz vnd von kúnk(=  
lichem gefchlâcht geborn waz davon dett  
im div marter vil defter wirs Die ander  
fach ist daz im so groffy trurikait vnd  
forcht hett bezwungen daz im der blütig  
schwaiff vber allen finen lib ran daz er  
uff die erd goff vnd wan er gewärer got  
waz der ally ding vorhin wol waiff  
do wiffet er och alle fin marter vorhin  
wie Sin gespottet folt werden vnd angespu<wen>  
gestoffen vnd geschlagen vnd wie er mit  
valsch vertailt folt werden vnd vnd  
[97ra,01]Wie lafterlich er an dem krúc<sup>i</sup>z folt verderben  
vnd wie er von Ieglicher not finer fel vnd  
bitterkait folt liden vnd wan er daz alles  
vor wiffet davon bettet er wan wie wol ain  
diepp waiz daz er sterben fol múf fo er

verurtailet wurt fo enphfindet er doch  
vorhin nit dez schmerzen E daz man in  
henket an daz fail do enphfant min kint  
alles dez schmerzen vor der marter die er  
liden müft die dritt sach waz daz er wol  
wift daz die iuden kain erbärmd vber in  
mochten haben vnd daz er finen vatter  
batt mócht es fin daz er in der marter er(=)  
lief vnd dech finen willen nit anfäche  
nun fünf vatters willen do fant im Sin vatter  
von himelrich ainen engel der ftarkt in  
zehant vnd sprach zû im bis ftark vnd  
fest wan du folt löfen alles mánfchlich  
kúnn dárnach ftünd er vff vnd gieng  
zû finen Iungern do warent si entfchlaffen  
von vnmaßfger betrúbt vnd trurikait  
die si heten vnd von rechter trurikait  
do sprach er zû in móchtend ir nit ain klain  
wil mit mir wachen Sechent er nachett  
schier der mich wil hingeben in den tót  
vnd zehant do kom iudas mit ainer groffer  
fchar vnd do er begund nachen do sprach  
er zû den iuden ir sint zwen gar gelich  
anander Ihesus vnd iacobus dien man  
da haiffet finen brúder vnd mag mann  
kum den ainen für den andern erkennen  
vnd davon wil ich iuch ain zaichen geben  
welchen ich kúff der ift es den hebend  
vaft vnd fürent in gewárllich vnd do er  
er begund nachen do gieng min kint gegen  
in vnd sprach wen fúchent ir do spráchen  
die iuden Ihesum nafarennum do sprach  
min kint ich bin [e]f es do fiellent si all hinder  
sich uff daz ~~erden~~ ertrich da sprach min  
kint aber zû in Sid ir mich fúchent fo  
lând die gán die by mir sint daz div

geschrift erfüllt werd qwas dedift  
mich̄ non perdidit ex eis quemquam daz  
sprichet die du mir h̄aft gegeben der h̄an  
ich kainen verlorn vnd do min kint daz ge(=)  
sprach do gieng iudas dar vnd kufft in  
[97rb,01]Do sprach min kint z̄u im iudas  
wilt du dez menschen kint hingeben  
mit dem k<u>ff vnd do zehant fiengen  
fi min kint do sprach fant̄ an̄halm  
fag mir lieby frow besach da kain  
zaichen an finer fankn̄uff vnser frow  
sprach Ia an̄halm du solt wissen  
daz fant̄ petter schl̄ug dez obroften  
warten kneth daz grecht or ab der  
hies malchus do bot min kint fin hant  
dar vnd ber̄urt im fin or vnd machet  
in zehant gefunt wider vnd sprach  
do z̄u fant̄ petero t̄u din fwert in  
fin schaid wan alle die mit dem schwert  
verh̄owen werdent die verderbent oder  
wanft du nit daz ich minen vatter m̄ocht  
erbitten daz er mir fant̄ mer denn  
zwelff engelfchar vnd zehant do  
fluchen die iunger all von ihm fant̄  
aunhalm sprach fag mir liebiu frow  
ward du da by dinem kind vnser frow  
sprach nain ich sant̄ aunhalm Sprach  
w̄arvmb lieft du daz liebiu frow vnd  
er dir so liep waz vnser frow sprach  
Es waz nacht vnd waz nit muglich  
daz iunkfrowen an der straff giengen  
fant̄ aunhalm sprach fag mir lieby  
frow wa w̄ard du do vnser fro sprach  
ich waz in miner Schwester hus Iohannis  
m̄uter fant̄ an̄halm sprach frow vnd  
m̄uter wer waz der erst bott der dir

die mâr fait vnfer frow sprach do  
komen die iunger all geloffen mit  
großem geschray vnd iâmer mit vnm(=)  
âffigem wainen vnd mit herczlaid  
vnd sprachen zû mir owe lieby müter  
vnd magt din herczliebes kint vnd din  
angeborener fun vnfer maister ist ge(=)  
fangen vnd ist von vns gefürt gebunden  
vnd wissen nit wâ er hingefürt ist  
ald ob er erschlagen ist fant ânshalm  
sprach sag mir zartÿ frow wie waz  
do din vngemach vnd dinf hertcen not  
vnfer frow sprach wie wol ich dech  
wift daz alles mánfchlich geschlâcht  
von natur ~~an~~ von im solt erlöffet  
werden doch von mütterlicher natur  
[97va,01]Do gieng her fimiones schwert durch min  
hercz als er mir fâit do er min kint enph(=)  
fieng in den tempel Sant aunshalm sprach  
sag mir zartü frow wa wart er gefürtt  
vnfer frow sprach er wart gefüret vffer  
dem garten da er in gefangen ward vnd  
wart gefüret durch ain tal daz haiffet  
Iosaphat ze *Jerusalem* indurch daz tor daz  
man da haiffet daz guldin tor in ainen  
palaft nach bý des fürften hus annas  
da enzunten si ain für da kâmen die ew(=)  
arten vnd die schriber vnd die phariseÿ  
die befantten befamneten sich all bald in  
den ballast do frâgt in der fürft annas  
vil von finer ler vnd von finen Iungern  
do antwurt im min kint vnd sprach Ich hân  
offenlich mit der welt geredet vnd hân  
allzit geleret in der sinagög vnd in dem  
tempel da die iuden all waren vnd hân  
nit verborgenlich geredet wez frâgest

du mich fr̄ag die es von mir haben geh̄ort  
die wiffent wol waz ich in han gefeitt  
do min kint daz geredet mit dem f̄urften  
annas do fchl̄ug in ain amptman dez  
f̄urften gar vnerb̄armklich an fin wang  
vnd fprach du folt dem f̄urften bas  
antworten do fprach min kint z̄ dem  
der in gefchlagen hett gar f̄anfteklich  
als ain fch̄afflin h̄an ich wol geret w̄ar(=)  
vmb fchlachft du mich denn h̄an ich aber  
v̄bel geret daz bez̄ug mich da namen  
fi in vnd verbunden in finnȳ v̄gen daz  
man doch dehainem diep t̄ut E daz er  
wirt vertailet vnd f̄potetten fin all die  
gancz nacht vnd f̄p̄uwen in vnder fin  
antl̄ut vnd giengen hinder in vnd  
fchl̄ugen in vff finen nak vnd fprachent  
wiffag vnf wer der f̄y der dich hab ge(=)  
fchlagen Nun waz min kint Iohannes  
in daz huf nachgegangen wan der  
f̄urft annas der kant in wol vnd  
nam Iohannes petrum vnd f̄urt in och  
in daz hus vnd do petrus in daz hus  
z̄ der t̄ur ingieng do fprach ain  
Iunkfrow die h̄ut der t̄ur z̄ im du  
bift och dez menfchen iunger do logent  
petrus driftunt vnd fchwor daz er in nit  
[97vb,01]erkant noch in nie me hett gefechen vnd ze(=)  
hant do kr̄at der han driftund do fach min  
kint petrum gar ḡutklichen an do gedacht  
petrus an daz wort daz im min kint hett  
vorgefeit E daz der han zw̄rent kr̄at  
fo haft du min driftund verl̄ogent vnd  
gieng vff vnd wainet gar bitterklich  
Sant aunfhalbm fprach liebiu frow wa  
w̄ard du do diff alles gefchach vnfer frow

fprach do mir die iunger faiten daz er gefan(=  
gen waz do erzitterten mir ally miny glider  
vnd gieng vff bald vnd maria magdalena  
mit mir vnd giengen zû dem tempel da by  
ftünd nach annas dez furften huf do hort ich  
ain groffz gebrächt in dem huf da wår ich gern  
in geweffen do wolt mir fin nieman gûnnen  
do gewan min hercz alfo bitterlich not daz  
ich ftünd vor dem hus vnd wainet gar bitter(=  
lichen vnd fprach mit minem groffen Iåmer  
owe min herczliebes kint ain fpiegel miner  
vogen wer git minem hopt waffer vnd minen  
vogen ainen brunnen der tråcher daz ich gewain  
vnd klag daz mort daz man an minen kind  
vnfchuldiklich begât do gieng maria magdalena  
vmb daz hus hin vnd her ob fiu iena fünd  
ain fienfterlin daz fi min kint fâch in finen  
nötten div hort daz petrus mines Kindes  
driftunt verlögent do möcht ir hercz vor  
Iåmer gebroften fin daz der fürft vnder den  
zwelffen fin hett verlögent vnd fprach mit Iåm(=  
erlicher ftimm owe min minklicher fun Ihesus  
welch end fol din bitterlichiv not noch hüt ~~ain~~  
niemen ald wie fol ez dir ergån fit din der  
hât verlögent der ain hopt vnder allen dinen  
Iungern waz zarter her Ihesus nun ich din  
nimer verlögen Ich ftünd vnd hort och alle  
den fpott vnd fcheltwort vnd all die fchleg  
vnd alle die ftöffz die man an im begie vnd  
daz fin petrus driftunt verlögent vnd waz  
man dez nachtes an im begie daz hort ich inn  
do petrus fin verlögent vnd do fâch in min kint  
an in allen finen nōten vnd do gedacht petruf  
an daz wort daz min kint vor zû im hett  
gefprochen E daz der han zûrent krätt  
fo håft du min driftund verlögent vnd

gieng vff dem hus vnd wainet gar bitter(=)  
lichen do fand er vnf vor dem huf ftând  
[98ra,01]Do sprach ich zû im mit groffem Iâmer owe  
petre was dût man minem kind do sprach *peters*  
mit ainer iâmerlichen ftimm o liebÿ frow vnd  
mûter vnd rainÿ magt da fchlecht man din  
kint vnd stoffet in <sup>v</sup>an all erbârmd vnd  
begât mit im allerhant fpott fo fi kûnent  
erdenken vnd ift fin antlût also bitterlichen  
verfpûwen daz man gar kum gemerken kan  
ob ez ains mânſchen antlût ie wart gelich  
vnd do er mir das gefeit do floch er gar  
bald vnd verbarg ſich in ainem hollen ftain  
der haiffet *gallicatus* vnd kam nie darvz  
E daz min kint erftarb an dem crûcz  
do sprach ſant aunftalm ſag mir liebiu frow  
wie waz dir do an dinem herczen do du dicz  
alles horteft vnſer frow sprach do gieng  
her ſimeones ſchwert zû dem andern maul  
durch min hercz Sant aunftalm sprach ſag  
mir liebiu frow wie ergieng es dârnâch  
vnſer frow sprach do mornent frou wart  
do fürten ſi min kint vff dez fürften hus anas  
In dez biſchöfs hus kayſerfatz do gefach ich  
min kint do man in gefangen fürdt als ainen  
dieb do luff ich dar recht als ain loein  
der iriv kint genomen ſint vnd do ich ſach  
~~fin~~ daz ſin minnekliches antlût fo gar  
entſchöpfet waz do gedacht ich mir vil  
laid vnd sprach zû im owe min zarttes  
kint vnd min aingebornes kint wie Iâmer(=)  
lich din antlût ift geſtalt vnd wie gar ver(=)  
blichen dez ſich min hercz fo dik gefröwet  
hât fo ich es anfach vnd luff do vil bald  
dar vnd wolt min kint vmbfangen hân do  
wolt mir ſin niemant gûnnen mich ſtieff

ainer hin der ander her vnd wart mit worten  
wol becholten vnd verstofften vnd bofflich  
vertriben do wart der zú#loff von den lüten  
also groff alf ob man ainen diep oder ainen  
morder wolt vertailen vnd do er für gericht  
kom do ftünd er recht als ain vnſchuldigs  
lemlin daz finen munt nit vff tüt fo man  
es tötten wil vnd waz fin antlüt also  
lafterlich verſpüwen daz es nit anders  
geſchaffen waz wan als ainez vffeczigen  
antlüt dārnach funden fi vil falſcher  
gezüg Si ſprächen er wār ain zerftörrer  
der zechen gebott vnd hett die lütt mitt  
[98rb,01]Falſcher lerr verkeret do komen aber  
zwen falſch gezüg die ſprachen wir hortē  
daz er ſprach er wolt den tempel nider(=)  
brechen vnd wolt in in drý tagen wider(=)  
machen daz ſprach er von dem tempel  
fines libs do wunden fi er het ez geſprächen  
von dem tempel den ſalamon het gemacht  
do ſprach der biſchoff kayefas zú im  
Sag vnſ ob du ſieft der gewār gottesfun  
do antwurt im min kint vnd ſprach ſag  
ich iuch daz ſo gelöbent ir mir [e]s nit doch  
ſag ich iuch gewārlich Ir werdent dez  
mānſchen kint ſechen ſiczen bý der zefmen  
hant finer götlichen kraft vnd koment  
herwider in dem wolken des himels do  
ftünd der biſchoff vff vnd zerraiſſ fin  
gewant vnd ſprach zú den iuden waz  
bedürffen wir me zūgnüff er hāt doch  
felb veriechen waz dunket iuch güt  
do ſchrüwen fi all mitainander vnd ſprachen  
er iſt des todes wol wirdig Sant aunſhalm  
ſprach ach rainý magt wie ergieng es  
dārnāch vnſer frow ſprach do fürten fi

in für den richter pilato gebunden vnd  
do daz volk alles dar kam do schrivent  
arm vnd rich all gemainlich tolle tolle  
eum crucifige crucifie eum Nim hin Nim  
hin Crüzige in krüzige in vnd hüben im  
vff daz er hett gesprochen er wär gotes  
fun vnd hettÿ och verbotten daz man dem  
kaifer dehainen zins geben folt do begund  
pilatus frägen von finem künkrich vnd  
sprach zû im bist du der iuden künig do  
sprach min kint zû pilato sprichest du  
daz von dir selber ald händ es dir ander  
lüt von mir gefet do sprach pilatus bin  
ich denn ain iud die Ewarten vnd din ge(=  
schlächht händ dich mir geantwürt waz  
haft du getän do sprach min kint min  
rich rich ift nit von dirr welt wan wär  
min rich von dirr welt min amptlüt hülf(=  
fen mir daz ich den iuden nit würd  
geantwürt noch gegeben do sprach  
pilatus doch fo bist du ain künig do  
sprach min kint du sprichest es wan  
es ift war ich bin ain kunig vnd bin  
därumb komen vff ertrich daz ich  
[98va,01]Ain gewärer züg fy der wärhait wan wer  
von der wärhait ift der merket min ftimm  
do sprach pilatus waz ift div wärhait  
do schwaig min kint vnd wolt im nit ant(=  
würten wan het er im gefait waz diu reht  
warhait wär So hett er in licht gelaffen  
vnd wär mänfchlich kunn nit erloffet  
vnd do iudas hort daz min kint vertaillet  
ward do gerö in der böff köff vnd gieng  
hin zû den iuden vnd den fürften vnd  
bracht in die driffig phfenning wider  
vnd sprach zû in ich hân gefündet daz

ich daz vnſchuldig blūt hin hā<sup>v</sup> geben  
do ſprāchen die iuden waz gāt vnſ daz  
an do gieng iudaz hin vnd warff die  
phfenning in den tempel vnd erhant  
ſich felber vnd do diff gefchāch do gieng  
pilatus zū den furſten zū den ewarten  
vnd zū dem gemainen volk vnd ſprach  
Ich en find dehainerlay ſach an difem  
mānfchen damit er den tod hab verſch=  
ult die iuden ſprāchen er hāt daz  
volk verkert mit finer ler von galilea  
bis her do pilatus hort daz er waz von  
gallilea da herodes kuing waz do ſant  
er min kint zū herodes daz er in ſach  
wan er waz ze *Jerusalem* in der ſtat vnd  
hort ſagen daz er lang zitt het begert  
ze fechen vnd wolt ſich och verſūnen  
mit im des tages wan ſi anander lang  
zitt vint warent geweffen vnd do her(=  
odes min kint erft anfach do waz er  
gar fro wan er begert von herczen  
daz er etlich zaichin von im ſāch vnd  
fraget in vil dinges vnd ob er daz kint  
wār daz ſin vatter hies zu tōd ſchlachen  
vnd von finen ſchulden ſo vil kind ertōtten  
hies vnd frāget in aber ob er der war  
der laferum erkukt von dem tōd vnd  
von der witwen fun in der ſtatt vnd  
die blinden machet gefechen vnd manger(=  
hand frāg die er in frāgt vnd do  
wolt min kint nie wort mit im geſprechen  
do gebot im herodes daz er im ain zaichen  
tāt er wōlt in laffen von den iuden  
min kint Iheſus wolt im nit antwūrten  
do hies er in ain edel krōn uffſetzen  
[98vb,01]Vnd ſprach daz er ain zaichen tāt vor im

er wölt im sin kunkrich halbs geben min kint  
sprach als nucz do ftunden die iuden vff vnd  
feiten vil dings von im damit si finen vngelimpf  
merten vnd do herodes sach daz min kint kain  
zaichen wolt tũn do verschmacht er in vnd  
als sin <l>er vnd hieffz im ein wiff klait anlegen  
vnd fant in wider hin zũ pilato vnd vnd pilatus  
vnd herodes wurden mitainander verfunnet  
wan pilatus west wol die groffen vintfchaft der  
iuden die si heten gen minem kind do forcht er  
daz die iuden erschlügen in bis daz er haim kãm  
vnd hies berait lût mit im gân In ze behũten  
vor den iuden vnd do min kint kam fur pilatum  
do gieng pilatus zũ den iuden vnd sprach ir  
hand mir difen geantwürt als ain verkerer  
des volks nun find ich kain sach an im damit  
er den töd verschuldet hab in aller der clag  
damit ir in verlaitent noch der kũng her(=  
odes fint ouch kain sach an im Ich wil in zũch(=  
tigen vnd wil in denn lauffen do schrũwen die  
iuden vast vnd sprachen daz man in gãb  
baraban der waz ain schãcher vnd waz vmb  
mãnig schuld gefangen vnd min kint hieffen  
si Cruczigen do sprach pilatus zũ dem dritten  
mal Ich find kain schuld an im do schrũwen  
si all Crucyfige Crucyfige eum Ich wil in  
herteklich straffen vnd wil in denn lãffen do  
schrũwen die iuden all Crucyfige eum vnd do  
pilatus an dem gericht saß do fant sin huffro  
zũ im vnd sprach du hæft nichcz ze schaffen  
an difem gerechten mãnſchen Ich hãn hinnacht  
an difer nacht vil erlitten in dem schlaff von  
im do gedãcht pilatus wie er möcht der iudan  
fraidikait vnd vintfchafft gestillen vnd hieffz  
min kint nakent abziehen vnd hieffz in also  
ser schlachen daz bis von dem höpt bis vff

die ferfen nichtzzit vnuerferet waz nun waz  
div ful alfo groff da er angebunden waz daz  
in wol zwaiger fpann gebrast daz er [e]s nit möcht  
vmbgriffen do namen fi ftark fail vnd riemen  
vnd zugen im die arm zefamen vnd fchlügen  
in alfo fer daz in ainer klainen wil daz blüt  
vbergoffz allen finen zarten lib daz er recht  
waz als der im ainen rotten pfeller het ange(=  
tân vnd der anblick fin wart nit anders denn  
als ains veldfiechen antlüt vnd ain vffetzigen  
antlütz darnach enband in der richter  
[99ra,01]Pilatus ab der ful vnd laitten in ain gwant  
an von pfeller vnd flächten in ain kron vff  
dornen vnd faczten fi im vff vnd knieten fur  
in vnd fprächen zû im bis gegruffet ain kunig  
der iuden vnd fchlügen in an finiu wangenn  
vff finen nak vnd die kron die im herodes  
hett vffgefecz do er in zû pilato fant mit  
derfelben kron krönet man noch all römſch  
küng vnd die durnin kron die im pilatus vff(=  
faczt die hat der küng von frankrich noch  
vnd diefelb kron waz nit von hültzin dornen  
Sÿ waz von merbenczen vnd die dorn fint  
alfo fcharpf daz fi [e]s minem kind nit mochten  
vffeczen mit den henden fi müften niemen  
ain ſchaft vnd drukten fi damit im in fin hopt  
hailigs hopt daz im der bütig fchwaifz alles  
fin antlüt vnd fin achflan vnd allen finen  
lib vbergoffz do nam in pilatus alfo vnd  
für in alfo gekrünt vnd alfo blütigen mit  
dem pfellerrok vnd fprach zû in fechent  
da iuwern küng vnd do fi in erfachen dennocht  
benügt fi nit aller der verſchmâcht vnd aller  
der marter die fi im hetten getân vnd die er  
erlitten het Sie gedachten nit daz er fo mân(=  
ig groff zaichen hett getân vor iren ögen

daz er macht die blinden gefechen die tōren  
gehören die vffeczzigen gefunt vnd die lamen  
hieſz er gān vnd die tōten erkukt er vnd  
daz er fünfftuffent mântſchen het geſpiffet  
mit fünff broten vnd ander manigvaltigi  
zaichen die er getān hett dez hetten ſi alles  
vergeſſen vnd ſchrūwen vff in als vff ainen  
diep vnd morder vnd ſprāchen Crucifie eum  
do ſprach pilatus niement in hin vnd Crucz(=  
gent in nāch iuvern rechten do ſprachen  
die iuden er ſol ſterben nāch der E wan  
er hāt geſprechen er ſy gottes ſun vnd do  
pilatus daz hort do erſchrak er vnd gieng  
in daz richthufz zū minem kind vnd ſprach  
zū im wannan biſt du do ſchwaig min kint  
vnd wolt im nit antwürten ſo ſprach pilatus  
wilt du mit mir nit reden waift [d]u nit daz  
ich hān gewalt vber dich zu läſſen vnd  
dich ze crūczigen do ſprach min kint du haſt  
kainen gewalt vber mich er wār dir denn  
gegeben von oben vnd davon hant dir mer  
[99rb,01]S<ü>nd die mich dir geben hānd van du  
vnd vmb dieſelben red hett in pilatus gern  
geneſſen läſſen do ſchrūwen die iuden all  
mit groſſem zorn vnd ſprachen zū im wie  
du in wilt läſſen geneſſen ſo biſt du nit  
dez kaiſſers frunt vnd do pilatus daz  
erhort daz ſi im trōtten vff ſinen herren  
den kaiſer do nam er waffer vnd zwog  
ſin hend vnd ſprach zū in allen Ich bin  
vnſchuldig an dez rechten menſchen blūt  
do ſchrūwen die iuden all vnd ſprāchen ſin  
blūt kum vber vnſ vnd vber vnſr̄y kint  
vnd do ſchrūwen die iuden all Ie mer vnd  
Ie mer du haiffz in krūczigen haiffz in  
Crūczigen do geſigten die iuden pilato an

vnd er sprach iuwer will der fol ergan  
vnd lieff in barraban durch ir öfterlich  
recht vnd gab vrtail vber min kint vnd  
sprach ich gib vrtail vber Ihesum nafer(=  
enum daz man in fol tóten dez lafterlichen  
todes an dem krucz Sant aunfhalm  
sprach liebú fro wie waz dir do du ho(=  
rteft die vrtail vber din liebes kint do  
sprach vnfer frow do ich die vrtail er(=  
hort do gieng fymions fchwert durch  
min hercz vnd durch min fel zú dem vierden  
mál vil mer wan ob daz vrtail wár vber  
mich gegangen Sant aunfhalm sprach  
liebiu frow wie ergieng es darnách do  
sprach vnfer frow do namen fi min kint  
vnd fürten es vff an daz veld da fi es  
wollten kruczigen vnd leten im daz Crucz  
vff finen rugen daz waz fünffzechen  
schuch lang do hett er allen den tag  
vnd alle die nacht alfo grof arbeit erlitten  
daz er daz krucz nit mocht getragen do  
zwungen fi ainen der hies fymon dartzú  
der begegnot in an der ftraf daz er minem  
lieben kint müft helffen daz krucz tragen  
vnd daz tetten fi nit von kainer erbárm  
wegen sunder wan daz fi fáchen daz er  
von rechter krankhait es nit mocht er(=  
tragen Sant aunfhalm sprach liebiu frow  
wie gieng es darnách do sprach vnfer  
frow do fi in kruczigen wollten do giengen  
im vil lút nâch arm vnd rich wib vnd man  
vnd kint vnd frowen die in bitterlichen  
waiten vnd in von herczen klagten im  
[99va,01]Im luffen och vil lút nâch die vff in fchrúen  
als vff ainen morder den man zú dem  
gallgen fúrt vnd och vil kind die luffen

im nach vnd namen hor vnd wurffen zû im  
an allen finen lib do kert sich min kint vmm  
vnd sprach gen den frowen die mit im wâren  
in groffem laid vnd mit mângem trâcher  
nachgiengen Ir tóchtran von Ierufalem  
wainent nit vber mich wainent vber iuch  
felb vnd vber iuriu kint die daz hór vnd  
die ftain an mich werffent vnd fi nit wiffent  
daz fi fo unrecht tûnd wan es kumt noch  
der tag daz fi werdent sprechen fâlig  
fint die brúft die nie kint habent gefógt  
Si werdent zû den bergen sprechen fallent  
vff her vff uns vnd zû den búcheln bedekent  
vnf wenn fi daz tûnd an dem grünen holcz  
waz gefchicht denn dem dúren holtz als  
ob er gesprochen hett daz mir die kint  
fo groff lafter erbietend in ir iugend waz  
gefchicht denn in dem alter man fûrt och  
zwen fchacher mit im vffz daz táttent fi  
im zû ainem funderbaren lafter vnd do  
man in mit den fchâchern zû den tor vff(=  
fûrt do wart daz gedreng also groff  
von den die im náchluffent vnd fin spotteten  
daz ich nit zû im komen mocht do ward  
ich vnd maria magdalena ze ráť daz wir  
luffen in ain ander gaffen vnd furluffen  
in vnd do wir komen zû ainem brunen  
do bekam vnf min kint vnd gefach in E  
daz er zû dem tor vffkâm vnd do ich in  
gefach do waz er also Iâmerlich gefalt  
vnd wâr er min kint nit geweffen ich het  
fin nit erkennet fi heten im fin hend ze(=  
fâmen gebunden vnd fûrten in gar vnge(=  
zogenlich vnd do er mich erfach an dem  
weg vor im ftân do naigt er fin hópt  
gen mir vnd sprach ach heczeliebiv

müter Ich dank dir aller der lieb vnd  
aller der zucht vnd alles dez gûtes daz  
du mir ie hæft getân vnd daz ~~du~~ du den  
tempel minfz libs alfo zartlich haft  
erzogen mit diner armmût vnd mich  
in miner armût nie ~~verlieffest~~ verlieft  
du hülffest mir gern ob du mächtest  
vnd löfft mir nach wie fchmâch ich  
[99vb,01]der welt bin vnd do fi in gefuorten an die ftat  
die da haiffet Caluarie do Crûczgeten Crûczgot(=  
ten fi in da vnd die zwen fchâcher mit im vnd  
hiengen ainen zû der rechten hant vnd den  
andern zû der linken vnd min kint enmitten vnder  
fÿ do sprach fant annfhalb liebû frow waz  
tetten fi im do do sprach vnfer frow Nun hôr  
annfhalb gar ain klâglich wort wes fi noch  
mordes an im begiengen vnd daz doch kain  
ewangelift befchribt do fi kâmen an die ftat  
die da haiffet caluarie do zugen fi im als fin  
vaden belaib do erftarb min hercz do fi im  
daz lafter antâten do gieng ich dar gar vner(=  
fchrokenlich vnd vnſchâmlich vnd zôch ain tûch  
ab minem hopt vnd band es vmb finen lib  
Nun waz der flek alfo vnſuber der da haiffet  
Caluarie da fi min kint hinfurten vnd waz  
alfo verſchmâcht daz man nit ~~vnſuber~~ kain  
vnſuber ftat finden kund man ſchand da  
ſchelm vnd hieng da diep vnd ertôt da morder  
vnd ander boff lût vnd ander bôs lût vnd  
waz der ſchmah alfo groff daz in ieman k<v>m  
mocht erliden vnd an der vnrainen ftatt da  
leitten fi daz krûcz nider vff die erd vnd leiten  
min kint rûglingen darvff vnd nagelten im  
die ainen hant an daz Crûcz vnd der nagel  
waz alfo grofz daz er die wunden alfo fer  
erfüllet daz ain ainiger tropf plûtes dar(=)

vff nit en mocht dârnach namen si ain fail  
vnd bunden im ez an die andern hant vnd  
zugen vnd im zerdanten also vaft im die arm  
vnd die gelider vffainander vnd der nagel  
waz also grofz dien fy im schlügen in die  
andern hand daz aber kain blütztropf  
darvff nit gän mocht dârnach namen si  
groffiv fail vnd bunden im [e]s an sin füßz vnd  
banten im [e]s also fer daz die geschrift erfüllet  
würd in dem falter dinumeraferunt *omnia*  
offa mea si haten in also gespannen daz  
kain gelid waz man hett es wol gezellet  
funderbâr durch sin hutt vnd do si in also  
zerfpennen do leten si im ainen fußz vber  
den andern vnd schlügen im ainen nagel  
durch baid füßz der nagel waz also groffz  
daz im daz blüt nit mocht davon geflieffen  
vnd do ich erhört die groffen hamerschleg  
[100ra,01]do wart die wiffagung wol an mir erfüllet  
als der künig dauit sprichet in dem pfalter  
audi filia et uide recht als ob er sprâch hor  
tochter vnd sich die groffen bitterlichen hamer(=  
schleg vnd die manigvaltigen not die ich  
an mimen füßen an henden vnd an allem  
minem lib lid vnd do ich die groffen hamer(=  
schleg erhört do gieng fimeons schwert ~~durch~~  
zû dem funfften mal durch min hercz vnd fel  
vnd do namen si daz krûcz vnd hûben ez vff  
mit minem kind do waz daz Crûcz also hoch  
daz ich sin füßz nit mocht erraichen mit mine  
henden owe des iâmerlichen anbliks den  
ich da anfâch wie vngelich ez waz weder  
do ich sin genas vnd sin kintliches antlüt so  
recht minneklichen anfâch vnd do er vff(=  
gericht ward vnd er begund hangen von  
schwârung fins ~~libes~~ libs do brachen im die

wunden vff an henden vnd an füßen vnd ran  
daz blüt also fer von im als ob es von vier  
bächen gieng do het ich ain gewant an als  
do gewonlich waz in dem land als die fröwen  
trügen daz waz also gemacht daz es daz höpt  
vnd allen lib bedakt linintuch vnd dazfelb  
gewand ward also rot von finem blüt daz  
vff mich ran fant aunthaln sprach zart  
frow wie ergieng es do Si sprach do fi in  
Cruczigoten do taitend fi sin gwand vnder  
sich do hett min kint ainen rok der waz  
gewürket daz er kain nat hett den wolten  
fi nit zerbrechen vnd sprachen wir wellen  
ain lös darvmb werffen wiem er also gantz  
belib daz gefchach darvmb daz die gefchrift  
erfület werd als der wiffag gesprochen hat  
diuiferunt vestimenta mea Min gwant habent  
fi getailt vnd darvff geworffen ain losz  
darnach hiefz pilatus schriben vber daz Crucz  
mit drierlay sprach kriechisch Iudisch vnd  
latin Ihesus naferenus rex Iudeorum daz mut  
die iuden vnd sprachen warvmb haft du  
geschriben der iuden kunig du soltest haben  
geschriben er sprach er war der iuden kung  
do sprach pilatus <d>z schripff sy schripffit daz  
ich han geschriben daz han ich geschriben dar(=  
nach giengen fi fur daz Crucz stan vnd  
wurffen iriv hofter gar spotlichen vff gen im  
vnd sprachen daz ist der der den tempel wolt  
[100rb,01]haben zerbrochen vnd an dem dritten  
tag widermachen sieft du gottes sun so  
gang herab von dem crucz vnd behalt  
dich selber vnd och vnf do sprachen die  
furften er hat ander lüt geholffen  
vnd kan im selber nit gehelffen sieft  
du der kunig von Ierusalem so gang her(=)

ab dem krūcz fo wellen wir geloben dir  
got helff im selber ob er wel wan er  
sprach er wār gotes sun Sant annhalm  
sprach zartiu frow waz tāt er do man  
fin also spottet sprach er icht dawider  
vnser frow sprach nain er bat got für  
fÿ vnd sprach vatter vergib in wan fi  
wiffent nit waz fi tünd da ftünd och daz  
gemain volk vnd spoteten fin vnd wolten  
baiten wie es ain end nām do mocht er  
wol zū mir sprechen audÿ filia et fide  
hōr dochter die flūchwort vnd sich die  
clåglichen not Ich waifz wol daz du mich  
enphfiengest von dem hailigen gaift vnd  
daz du mich trūgt vnd gebārd vnd mich  
also zartlich vnd lieplich fōgtest mit dinen  
brūsten vnd daz du mir allzit mit truen  
nāchgiengest wan davon daz fi nit an  
mich gelobten daz ich fÿ gotes sun zartiu  
frow vnd mūter fo gelob du es vnd hab  
erbārd vber mich Do gieng fymions  
schwert zū dem sechften mal durch min  
hercz vnd durch min sel vnd in allen finen  
nōten möcht er nit vber werden von dem  
schācher der by im hieng zū der linken  
hant er sprach in spottet wiff zū im  
siest du gottes sun so behalt dich selb vnd  
öch vnf do antwürt im der ander schācher  
vnd sprach ain wort zū im furchtest du  
nit got daz du in der vertamnūff siest  
aber wir liden billich vnd von schulden  
daz man vnf tōttet aber dirr fällig  
mānsch nie kain vbel gedett vnd do er  
finen gefellen also strāffet do sprach er  
zū minem kind herr gedenk min fo du  
kemeft in dinf vatters rich do sprach

min kint ich fag dir wiffz daz du folt  
hütt mit mir fin in dem paradīs Sant  
aunfhaln fprach zartiv frow fpracht  
[100va,01]du do do ftünd ich bý dem krúc̄z vnd Iohannes  
bý mir vnd min ſchwefter vnd maria magd(=)  
alena vnd wāren groffez herczenlaides vol  
vnd ich fach in hangen in vnlidenlicher  
not vnlidiger not vnd mocht in ze kainen  
fratten komen do er mich in alfo groffem  
herczlaid fach ftān vnd Iohannes da er  
befunder groff liebū zū het do wolt mich  
min kint nit vngetrōft lāſſen vnd fprach  
zū mir ſich wip daz ift din fun dārnach  
fprach er zū Iohannes nim war daz  
ift din mūter do waz es zū der ſechften  
ftund des tages vnd wart do ain vinfter  
groffiu vinfthernūffz vber als ertrich bis  
vff die nonzit vnd do ze nonzit do  
ſchray min kint mit lutter ftimm vnd  
fprach Ely Ely lamafabatany min  
got min got wārvmb haft du mich ge(=)  
lāſſen do fprāchen etlich die es horten  
Er ruffet elias wir fūllen ſechen ob er  
kum vnd in well löfen do wiffet min kint  
wol daz alliv wiffagung an im folt  
erfüllet werden vnd fprach ficio  
mich dūrtet dūrt do namen ſi ainen  
ſchwam vnd fulten in vol effichs mit  
gallen vnd buten minem kind ze trinken  
daz er deſter E erfturb vnd do er daz  
trank verſūcht do fprach er confumatūm  
eft es ift alles volbracht vnd fprach  
vatter ich enphilch dir minen gaiſt  
in din hend vnd do er daz wort gefprach  
do naiget er fin hōpt vnd alfo ſchied  
fin gōtlichiv fell von finem lib nach mān(=)

fchlichem liden vnd do erlafch diu funn  
vnd zerraiſſ ſich der vmbhang enmitten  
enzway in dem tempel vnd erbidmet  
daz ertrich vnd zerkluben ſich die ſtain  
da daz Crüz in ſtünd der ſpielt ſich aller  
vonainander vnd detten ſich vff die greber  
vnd erfunden die ~~totten~~ vil hailiger  
lüt die kämen nach der vrftend gen  
*Jerusalem* in die ſtatt vnd lieffen ſich da  
ſchowen do ſtünd ain her by dem krüz  
der hies zenturio der folt mines kindez  
hüten vnd ander ritter die pilato  
[100vb,01]het dar gefant vnd do ſi ſächen die groffen  
zaichen do erfchraken ſi vil ſer da waz zentu(=  
rio vnd lopt min kint vnd ſprach wärlich  
dirr iſt gottes fun geweffen Sechent wie ſich  
die element vber ſinen ſchöpffer erbarment  
aber die iuden wellent kain erbärmd vber in  
hän da ſtünden och mins Kindes fründ frowen vnd  
man die im näch waren gegangen von gallilea  
vnd fache es alles wol Sant aunnhaln ſprach  
zartiv frow hett din herczlaid noch ain end  
vnſer frow ſprach nun hör annthaln ain cläg(=  
lich mār waz noch me mordes an minem kind be(=  
gangen ward an dem tag als ſi min kint heten  
getöt derfelb tag der hies paraſaphe daz ſp  
ſpricht der ſtill fritag do waz der ander tag  
der hochzitlich tag den die iuden begiengen vnd  
lieffen kainen toten lichnam hangen an ire offer(=  
tag do giengen die iuden zū pilato vnd bätten  
in daz er minem kind vnd den ſchächern ir  
gebain hieffin mit kolben zerſchlachen daz ſi  
dez E ſtürbin daz fy nit hiengen an irem offer(=  
lichen tag da do hieſz pilatus ſin ritter daz  
ſi minen kind vnd den ſchachern ir gebain  
zerbrechen vnd do ſi ſachen daz min kint töt [[was]]

do wollten si minem kind also getân haben  
do was es selber tôt vnd do si fachen daz  
es von im selber tôt waz do enwolten si im  
sin gebain nit zerbrechen daz diu geschrift  
erfület wûrd diu von im geschriben ftat diu  
von dem osterlemlin geschriben ftat ftûnd  
os non *commonetis* ex eo dez osterlemlin  
gebain sol gantz beliben vnd gieng ain ritter  
dar vnd <...>ch ftach min kint mit ainem  
groffen sper durch sin hercz vnd in sin fitten  
vnd von der wunden giengen zwen bâch ainer  
von blût der ander von wasser vnd do ich  
daz sach daz si nit benûget aller der marter  
die min kint erlitten het do wolten si sich och  
an sinem tôten lichnam rechen do ward *minem*  
herzen also we recht als ob mir daz sper  
durch min hertz wâr gestochen do hett  
ich gern gewainet do waz mir an minem  
herzen vnd an allem minem lib also we  
vnd diu natur waz also dürr an mir worden  
von wainen vnd von groffem Iamer vnd  
arbaitten vnd hervzlaid die ich het erlitten  
die nacht vnd och den tag daz ich ain  
[101ra,01] Ain ainigen zâcher nit môcht erzügen  
vnd waz min ftimm an mir erftorben also  
gar daz ich nit ain wort gesprechen môcht  
do waz diu wiffagung an mir erfüllt die  
fymion zû mir sprach diu marter mines  
kinds sol durch min hercz vnd durch min fel  
vnd durch allen minen lib schniden als ain  
schwert do ich die marter mines kinds also  
sach do gieng fymionf schwert zû dem  
dem sibenden mal durch min hercz vnd fel  
vnd durch allen minen lib vnd do ich mit dem  
munt nim kint nit geklagen môcht do sprach  
ich mit dem herzen owe zartes min kint

owe liep vor allem liep wa ift der troft  
den ich in allen minen tagen gehebt hân  
möcht mir Ieman gehelffen daz ich für dich  
ftürb do für fin götlichiv fel vnd fchied  
von finem mund vnd für zû der hell da wart  
groffz frôd vnd do er darvff nam adam vnd  
die finen willen hetten getân vnd beſchloffz  
die hell daz nimmer kain fel mer darin  
komen mag wan nit finem willen er beſchloffz  
fi mit rechter <rû> vnd mit rechter bicht vnd  
wer daz ſchloffz zerbrichet der kan nimmer  
dârvff komen vnd müfz immer mer darin  
fin er beſchloffz fi och mit ganczer büffz  
Sant annthaln ſprach zartiv frow wie erg(=  
ieng ez darnach vnſer frow ſprach ain gût  
man der hief Iofepf ~~von~~ vnd was von ainer  
fratt div hiefz Armathÿ der waz haimlich  
vnſers herren Iunger wan er forcht die  
Iuden vnd gieng zû pilato vnd batt in daz  
er im gâb mines kindes lib vnd ſprach alfo  
daz ich in begrab wan fin müter ift div min(=  
enklicheft frow die Ie geborn wart die hat  
alfo groffz klag vnd iâmer daz fi vnf alfo  
fer erbarmet daz wir ez kumm gefeche  
mügen vnd alfo wetût alf ob fi vnfriv  
aignÿ müter wâr do rûft pilatus zentur(=  
io vnd ſprach ob min kint tôd wâr do  
ſait er im daz er tôt wâr vnd die groffen  
wunder die gefchechen wâren do nam pilatus  
wunder wie er alfo bald verſchaiden wâr  
[101rb,01]Vnd hiefz Iofepfen daz er min kint ab  
dem krûcz nâm vnd in begrûbin nâch  
allem finem willen Nun merk aunthaln  
ain klâglich ding do Iofepf min kint  
ab dem Crûcz nam do ftünd ich vnder  
dem krûcz vnd wartet wenn er im ainen

arm erledget würdy daz ich in enph(=  
fieng in nim hant vnd in kuff vnd trukt  
an min hercz mit groffem herczlaid vnd  
do er ab dem krucz erlediget ward do  
leten fi in vff daz ertrich neben daz krucz  
do fiel ich nider bald vnd nam fin hopt  
in min schofz vnd sprach mit groffem hercz(=  
laid owe min zartes kind waz fol ich  
nun troftes haben fo ich dich dott vor  
mir ligen sich do kom Iohannes ewan(=  
gelifta vnd viel vff fin bruft vnd schray  
mit Iamerlicher stimm owe vff difem  
herczen trank ich götlich süffkait vnd  
grofz wifhait owe nun enphfach ich  
grofz bitterkait do kom petrus geloffen  
vnd klagt mit groffem Iamer vnd mit  
herczlaid vnd sprach bitterlichen mit  
groffem wainen owe wer fol mir fünd  
vergeben Sid ich fin verlöget hân  
do kam maria magdalena & der clag  
waz vor aller klag vnd viel nider  
fur in vnd sprach owe troft ob allem  
troft wer fol mich entschuldigen von  
fymeon der mich schuldig vnd mich din  
munt vnſchuldig machet von allen minen  
funden owe wer fol min fürsprach fin  
gen miner ſchwefter div ſich von mir  
klagt owe der zarten füßz die mich nit  
ftieffen do ich fi kufft owe der rainen  
füßz die ich wüſch mit minen trächern  
vnd mir dez wol gunden owe der  
Edlen füßz die mich nit verſchmächten  
do ich fi truke<n>t mit minem hâr  
vd vnd grofz manigvaltig ~~gnad~~  
clag die fi da heten ob minem kind  
do kom Iacobus miner ſchwefter fun

den man da haiffet finen brüder  
der waz im gar gelich an allen finem  
lib vnd sprach ach min lieber herr  
wie ift fo gar vngelich din zartes  
[101va,01]Antlucz dem minen wer mag nun fprechen  
daz ich din brüder fy vnd wie ift din  
zarter lib also iåmerlich gemartert  
von der schaitel vncz vff die ferfen  
owe lieber herr din minnekliches antlucz  
der gefter maifter ift der ift nun dem  
minen vngelich vnd do verſchwor er daz  
er nimmer mafz wölt verſuchen E daz  
min kint erftünd von dem tód daz gefch(=  
ach er waz vngeffen vnd ungetrunken  
bis an den öfterlichen tag do erfchain  
im min kint funderlich do er an fin  
gebet lag vnd sprach ftand vff lieber  
min brüder Iacob vnd enbifz dez menſchen  
kint ift er ftanden von dem tód vnd  
die andern ~~Iunger~~ gebotten kament  
och all geloffen mit groffem Iåmer  
vnd clageten all mit manigvaltigen  
trächern daz fi von im geflochen wåren  
vnd mit im nit in den tód wåren gegangen  
vnd fin verlögent heten vnd do ich vnd  
die Iunger mit groffem laid by im faffen  
do erfrowt vnf min kint mit der erften  
fród mit der vrtend nach finem Lib  
der tód waz daz er ward davor vnf  
also wunenkich vnd also ſchön als ob  
er nie ſchlag noch wunden enphfangen  
hett Aber die fünff zaichen die belibent  
offen bis an den Iungften tag die er  
wil zaigen aller der welt davon  
gewunen wir gancz fr<ó>d vnd do man  
in wolt begraben do hett ich also grósz

nōt vnd lāmer daz ich mich von im fch=  
aiden folt daz ich in vmbfieng mit  
minen müterlichen armen vnd mit  
minen kreften vnd hett in gern geh=  
ebt do nam mich min kint Iohannes  
vnd wolt mich dannenfüren do sprach  
ich owe min liebes kint Iohannes lāffz  
mir min kint daz ich lebend nit ge(=  
haben mocht oder hilff mir daz ich  
mit im begraben werd do sprach  
Iohannes frow vnd müter du waift  
doch wol daz ez nit anders fol noch  
mag gefein wan mánfchlich hilff  
kunn mócht nit vñn dines kindes  
tōd erlöffet werden do namen fi mir  
[101vb,01]In vber minen dank vnd trúgen in zú dem  
grab vnd do fi in dārin geleten do fiel  
ich vff daz grab vnd het anders nit begert  
denn daz man mich mit in het vergraben  
do nam mich min kint Iohannes vber minen  
willen vnd wolt mich dannanfüren do  
sprach ich mit groffem herczlaid owe Iohannes  
lāff mich genieffen mines kindes groffer triv  
die er dir hát erzaigt in finen lungften  
nōten do er mich dir gab zú ainer müter  
vnd dich mir gab zú ainem fun wann ich  
da gern mines endes erbaiten wolt vnd  
lā mir da nit gefchechen den groffen gewalt  
daz ich mich fchaid von minem kind wan  
ich gern by im mins ends warten wil do  
wurden fi all die da wāren wainen bitter(=  
lich vnd do nam mich Iohannes wider  
minen willen vnd furt mich in die ftatt  
in miner fchwefter huf finer müter vnd  
do die lút erf<á>chen daz ich fo lāmerlich  
waz vnd min gewand alfo blütig rot waz

daz von minem kind vff mich geflossen waz  
do ich vnder dem krūcz gestanden waz do  
heten si groffen Iāmer vber mich vnd grofz  
laid vnd erbārd mit mir vnd sprāchen  
ow dez groffen gewaltz der in difer statt  
gefchechen ist an der wunenlichen frowen  
vnd an irem lieben kind also belaib ich in  
miner schwefter huf vnd het kainen troft  
vnd von groffem herczlaid fo ich fassz do wolt  
mir gefchwunden sin vnd fo waz min hercz  
by minem kind vnd by dem grab vnd do  
ich vfftan wolt fo mocht ich nit gestā  
vor groffer krankhait ich wainet vnd  
het groffz herczlaid vnd Iāmer baidiv  
nacht vnd tag do kund mich min kint Iohannes  
nit getroften vnd all min frūnd do waz  
die wiffagung an mir erfult Ieromomy an  
pr plorantz plorauy <nocte> si wainet tag  
vnd nacht die tracher wāren an iren wangen  
vnd kund si niemant getrōften vnder allen  
irenn frūnden vnser frow sprach ānfhalm nun  
hōr an groffes herczlaid daz hūb sich aber  
an mir do min schwefter vnd maria magda(=)  
lena sich beraiten mit edlen falben do si von  
mir giengen zū dem grab daz si min kint  
[102ra,01] Salbeten vnd do si von mir giengent do müft  
ich vor groffer krankhait in dem hus beliben  
daz dett mir also we daz ez vnfüglich ist  
wan mir viel ie ain herczlaid vff daz ander  
do ich nit mit dem lib zū dem grab möcht kome  
do waz min verfertes hercz allzit by im vnd  
gedacht an daz zart ~~ant~~ antlūcz daz ich oft  
an fo lieplich het gefechen vnd an sin sūff  
ler div finem gōtlich mund gieng vnd  
wie er verraten waz worden von finem Iung(=)  
ern vnd waz er schleg vnd stōffz vnd spots

het enphfangen do er gefürt ward in dez  
f<ü>rften hus vnd wie fin der fürft fant petter  
verlögent hett vnd do er vor gericht ftünd wie  
ain gefchray vber in ward vnd wie fin vor  
herody gefpotet ward vnd wie vngezogen(=  
lich vnd wie lafterlich er mit den fchachern  
vffgefürt ward vnd wie im finiv klaider  
abgezogen wurden vnd die groffen hamer(=  
fchleg do im die nagel gefchlagen wurden  
durch fin hend vnd durch fin füßz an daz  
crucz vnd wie er gekrönet ward vnd wie  
er getrenket ward do er fchray mit lutter  
ftimm mich dürftet nach menfchlichem hail  
vnd daz im da effich mit gallen vnderanander  
gemifchet ward vnd im ze trinken geben  
ward vnd daz fi fich nit benügen wolten  
län an finem grimen töd Sy rächen fich  
an finem töten lichnam vnd ftachen im ain  
fper durch fin hercz vnd do ich dicz alles het  
gedächt do sprach ich mit iämerlichen  
ftimm owe minnekliches bild vnd zartes  
min kint got vnd mänfch fchöpffer aller  
Creatur vnd füffer Ihefus wie recht bitterlich  
du von dem menfchen ertötet vnd enteret bift  
durch dez willen daz du die menfchhait  
an dich von mir diner rainen müter nämnd  
owe den weder himel noch erd daz mer  
noch daz abgründ nit begriffen mag der  
lät fich libhaft befchlieffen vnder ainen  
ftain owe der ewig vnd der vntötenklich  
got der dárumb ze menfch ift worden daz  
er die verlornen menfchhait widerbracht  
der mocht finer kinthait nit genieffen daz  
er lag an miner brüft in fuchty herodes  
daz er in erfchlüg owe wie vndankberlichen  
[102rb,01]händ fi in enphfangen durch der willen

er vff die ertrich komen ist vnd wie lieb(=)  
lich vnd fruntlich er mit in gewandelt hett  
vnd in grossiv zaichen erzogt vnd getan  
hett do er die tochter erkukt von dem tod  
vnd vil siechen gefunt machet vnd do ich  
in dem grossen laid waz vnd min Schwester  
maria magdalena min kint suchen wolten  
vnd mich in dem hus heten beschloffen wan  
ich in nit gevolgen mocht vor grosser  
krankhait vnd do ich in der grossen clag  
waz do kom min liebes kint mit vnflaglicher  
frod vnd waz sin antlucz vnd aller finer  
lip also wunnenklich vnd also schon vnd  
durchluchtig als der wiffag gesprochen  
het speciosus forma pre filijis ho[m]inum Er  
waz der schonst vnder allen mantfchen  
vnd do er mir mit also grosser herfchaft  
vnd clarhait erfchain do sach mich  
also minneklich vnd lieplich an daz ich  
vergas allez dez herczlaides daz ich ie  
gewan vnd do gruft er mich lieplich vnd  
zartlich vnd sprach zu mir du sieft gegruft  
min minneklichiv muter vnd rainiv magt  
gefegent vber all frowen las din grossz  
klag wan din kint ist erfanden von dem  
tot do viel ich nider fur in vnd kufft im sin  
fusz vnd sprach zu im ainiger sun des  
vatters im himelrich Ich loben dich daz du  
menschliches kunn mit dinem tod vnd mit  
diner marter erlediget hast vnd sy der  
vatter von himelrich gelopt der dich vff  
ertrich zu mir fant vnd du von mir menschlich  
natur an dich nampt do ich die wort zu im  
sprach do schied er von mir darnach komen  
die botten vnd min Schwester vnd maria mag(=)  
dalena vnd sagten mir daz si in heten gefechen

do feit ich in och wie wunenlich ich in hett  
gefēchen do heten si frōd von miner  
geficht wir frōtten vnf nit allain Sunder  
die erlōft wāren von finem tōd die funn  
die von minef Kindes tōd erlofchen waz  
die gewan iren ſchin ſi ward daz man ſi  
frolich anfach an dem vffgang die  
erd die ſich von mines Kindes tod erfchutt  
die frōwet ſich do min kint erfanden  
[102va,01]Waz vnd offnet ſich drāt vnd erfchutt ſich  
dovon ganczen frōden vnd gab die tōten  
wider die von adams zit gefangen wārent  
vnd gābent och zūgnūfz von finer vrtend  
minfz kinds do waz mir als min hercz(=  
laid benomen nicht allain daz ich min  
kint het wider Ich frōet mich och daz  
alli menſchait mit im erlofet waz  
dārvmb nāch nāch vber vier tag do daz  
gefchach do kōmen zwen hern von rom  
der hieſz ainer Titus vnd der ander  
veſpaſionus die zerftorten *Jerusalem* vnd  
fiengen do alfo vil iuden daz man ie  
driffig iuden gab vmb ainen phfening  
vnd rāchen damit mins Kindes tōt  
vnd ſin marter In gotes namen Amen